



Ofisina Sentral di Statistik

Informashon : (+599 9) 8392300

Adrès: WTC Building, Piscaderabay s/n

E-mail: info@cbs.cw

Website: www.cbs.cw

Facebook: cbscur

Komunikado pa Prensa

Willemstad, 18 februari 2022

Sifra índise di preis pa konsumidó pa luna di novèmber 2021

Desaroyo di preisnan pa konsumidó na Kòrsou pa luna di novèmber 2021

Willemstad - For di sifra ku Ofisina Sentral di Statistik (CBS) a publiká awe ta indiká ku e nivel di preis promedio a subi na luna di novèmber 2021 ku 0.6 porshento en koperashon ku luna di oktober 2021.

Desaroyo di preis luna di novèmber 2021 kompará ku luna di oktober 2021

E sifra índise di preis pa konsumidó (CPI, “Consumer Price Index”) di Kòrsou na luna di november a subi ku 0.6% na luna di november 2021 kompará ku luna di oktober 2021, e la desaroyá di 107.0 na oktober 2021 pa 107.7 na november 2021.

E kambionan di preis spesífiko ku mas a sobresalí durante luna di novèmber 2021 ta; a bira mas karu silinder di gas (14,3%), kerosin (6,1%), muebles (5,1%), elektrisidat (21%), sapatu (1.8%), suku i chukulati (1,0%), batata, berdura i fruta (1,0%) i awa (1,0) i lo kual a bira mas barata artikulanan di hobi (-0,6%),

Desaroyo di preis luna di novèmbèr 2021 kompará ku luna di novèmbèr 2020

E CPI di novèmbèr 2021 (107.7) ta 4.2 porshento mas haltu ku e CPI di novèmbèr 2020 (103.4). E sifranan aki ta indiká ku e nivel di preis pa konsumidó durante luna di novèmbèr 2021 ta 4.2% mas haltu kompará ku e mes un luna na 2020. E kategorianan ku a kontribuí mas tantu na e subida aki ta kuminda, bibienda i salubridat.

Desaroyo di preis riba término largu: inflashon novèmbèr 2020

Inflashon ta reflehá pèrdida di balor di sèn, pues di forsa di kompra, dor di subida di preis di produkto i servisio pa e konsumidó riba término largu (usualmente 12 luna). E sifra di inflashon pues ta duna un indikashon di e subida promedio di kosto di bida, i p'esei ta ser rekomendá komo instrumento pa indeksashon di salario, penshun, ònderstant/ benefisio sosial, suèdu mínimo i otro entrada.

Inflashon den un sierto luna ta ser kalkulá dor di komparashon di e CPI promedio di 12 luna den e luna konserní ku e CPI promedio di 12 luna den mes luna e aña anterior. Si kompará e periodo di e último 12 luna te ku novèmbèr 2021 ku mes periodo un aña anterior, ta resultá ku preisnan na averahe a subi ku 3.5 porshento: e CPI promedio di 12 luna a desaroyá di 102.2 na novèmbèr 2020 pa 105.6 na novèmbèr 2021.

////////////////////////////////////